



UNIVERSITÄTS-
BIBLIOTHEK
PADERBORN

Universitätsbibliothek Paderborn

Examen Theologiæ Moralis

Moure, Antonio Fernandes de

Coloniæ Agrippinæ

Capvt V. De cura in seruando Sigillo Confeßionis.

urn:nbn:de:hbz:466:1-40934

confessione, quam faciet, absoluetur indirecte, & à peccatis antea confessis, quorum putat bona fide recspissē se ab solutionem. Quando autem pœnitens propterea fieret in extrema necessitate, puto confessarium obligatum iri etiam cum proprio aliquo dedecore & incommmodo, cui præferenda esset salus animæ pœnitentis; sc̄us si nulla ratione eum posset reuocare.

Dico secundo. Quando fuit tantum cum peccato, reguliter ad nihil aliud tenetur, præterquam ad dolorem de peccato factō: quando autem esset eiusmodi defectus coniunctus cum damno, vel præiudicio tertij, ut quia pœnitens retinebat alienum, tunc teneretur Sacerdos cum reuocare, & admonere, quando positiū contrarium dixisset, nempe eum non teneri ad restitutionem: quando autem tantum tacuisset, non teneretur. Hæc de quarta conditione.

CAPUT V.

De cura in seruando Sigillo Confessionis.

Quo ad quintam, de cura in seruando sigillo, quæ tuor præcipue de eo cognoscenda sunt. Primam, ex qua confessione oriatur obligatio sigilli, & Dico omni ex confessione Sacramentali perfecta vel inchoata, facta sacerdoti vero, vel ita existimato. Dixi, *Sacramentali*; quia ex illa, quæ fieret laico scienter, vel sacerdoti, etiam si deuotione, vel humilitate, ut in periculo mortis, non orirerur hæc obligatio. Item ex ea quæ fieret Sacerdoti quidem, sed non animo se accusandi, sed potius animo decipiendi, vel inducendi peccatum, ut ad conjurationem, &c. non orireretur hæc obligatio. Dixi, *perfecta*, vel *inchoata*: quia ex hac etiam oriretur obligatio: talis esset ea quæ fieret Sacerdoti, qui deinde dignoscitur non habere iurisdictionem, vel non animo recipiendi absolutionem, sed tantum se accusandi in illo foro, & satisfaciendi præcepto. Item ea quæ sit superiori, à quo per se vel per confessa-

confessarium petit pœnitens absolutionem à casu reseruato, & alijs huiusmodi. Dixi, *Sacerdoti* vero, vel ita estimato: ad includendam eam confessionem, quæ fieret Sacerdoti qui fingeret se sacerdotem, cum tamen reuera non esset; verum hoc est dictum probabilius: ex sententia enim aliquorum orietur eadem obligatio; ex aliorum sententia non esset eadem, quia non adest verum Sacramentum in ea confessione.

Secundò cognoscendum est, quæna sit materia sigilli; & *Dico esse quinque. Primo peccata omnia mortalia, & venialia in confessione auditæ. Secundo, omnes circumstan-* cias, & obiecta peccatorum; integrant enim hæc ipsum peccatum. *Tertiò, alia omnia, quæ dicuntur ad declarandum peccatum, vel circumstantias ipsius. Quartò, ipsa peccata publica, quatenus in confessione auditæ sunt, dicuntur ma-* teria sigilli: semper enim fieret iniuria Sacramento, quod redederetur onerosum, quamvis forte non fieret pœnitenti. *Quinto, hæc omnia intelligenda sunt esse materiam sigilli, sed relata ad personam, & peccatorem; ita ut debeat servari sub sigillo, ne detegatur persona, & peccator: alioquin ipsa peccata per se referri possunt, modo fiat cum prudentia, ne quoquo pacto possit agnosci pœnitens.*

Ex his sequitur non pertinere ad sigillum dicere, talia sibi esse confessum, vel habere peccata venialia in genere, non exprimendo aliquod in particulari.

Tertiò, cognoscendum est, quæ personæ obligentur ad hoc sigillum.

Respondeo obligari quinque personas. *Primo* est confessarius, ad quem reduco superiorem, quando ab eo petitur licentia casu reseruari. *Secondò*, interpres (vel nuncius, si fieri posset in absentia) de quo licet sint opiniones, tamen probabilius est teneri, quia participat suo modo actum clavium. *Tertiò*, consiliarius, quem de licentia pœnitentis consulit confessarius, vel præsentem, vel post confessio- nem. *Quartò*, est is qui furtiuè audit confessionem alterius, vel etiam casu, tenetur etiam sub eadem obligatione. *Quinto* est is, cui confessor sacrilegus reuelauit peccatum alterius auditum in confessione: tenetur enim etiam is sub eodem sigillo. Vnde est regula generalis: *Omnis notitia habita ex confessione, sine mediale, sine immediata, transit ad*

quemcunque sub eodem onere, & manet sub sigillo. Con
p̄nitente autem ipso non potest confessarius loqui, nisi
de eius licentia.

Quarto, qua ratione seruandum sit huiusmodi sigilum?

Respondeo, esse seruandum Primo tam directe quam
indirecte: Vnde non potest confessarius dicere se tam
non absoluisse; dicat, Non perfecit officium meum.
Item non laudet aliquem ex multis. Secundo, est seruandum
tam verbis, quam signis aut factis. Vnde Episcopus,
vel Sacerdos non potest publicè negare Eucharistiam, vel
matrimonium ex scientia habita solum in confessione.
Item Sacerdos qui nouit aliquem excommunicatum ex
confessione, non potest illi negare Eucharistiam, nec etiam
priuatim. Potest quidem sub aliquo praetextu: sed si
aliter effugere non posset, quam significando norit amex
confessione, potius debet illi conferre Sacramentum,
quam non seruare sigillum. Tertio, est seruandum in ordi-
ne ad quemcunque interrogationem, quæ fieri possit, ut
extra iudicium, sive in iudicio, sive cum iuramento di-
cendi quæ sciuerit, sive non: nulla enim potest esse iuri-
dica, & consequenter semper potest Sacerdos aquivoca-
re, & respondere iuxta mentem interrogantis. Atque haec
satis de conditionibus in confessione requisitus.

INTERROGATORIUM

Pro confessionibus longioris
temporis.

PRIMO interroget tria. I. Tempus ultime
confessionis; & an impleuerit p̄nitentiam? II.
Statum p̄nitentis, an coniugatus vel solitus,
mercator, miles, officialis, &c. III. Dispositio-
nem, an paratus v eniat? Cætera in progressu con-
fessionis.

DEIN.